

KJKP "VODOVOD I KANALIZACIJA" d.o.o. SARAJEVO
v.d.DIREKTOR
Izvod broj: KZ 65/18

Sarajevo, 04.07.2018 godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 65/18 od 20.06.2018. godine, u postupku javne nabavke br. KZ 65/18 „Održavanje mjerne opreme Endress Hauser“ donosi se :

O D L U K A
o poništenju postupka javne nabavke

Član 1.

Poništava se postupak javne nabavke broj KZ 65/18 za nabavku usluga : „Održavanje mjerne opreme Endress Hauser“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : KZ 65/18 od 21.05.2018.godine.

Javna nabavka je provedena putem konkurentskog zahtjeva za dostavu ponuda.
Procijenjena vrijednost javne nabavke bez PDV-a iznosi : 30.000,00 KM.

Obavještenje o nabavci broj: 247-7-2-114-3-192/18 poslato je na objavljivanje na Portal javnih nabavki dana 23.05.2018.godine.

Komisija za javnu nabavku, imenovana je Rješenjem br. 18-12-01/17 od 18.12.2017.godine, Rješenjem o izmjeni Rješenja o imenovanju Komisije za javne nabavke br.23-02-01/18 od 23.02.2018.godine i dopunskim Rješenjem članova komisije br. KZ 65/18-1 od 21.05.2018. godine.

Komisija za javnu nabavku dostavila je dana 28.06.2018.g. Preporuku o poništenju postupka javne nabavke usluga : „Održavanje mjerne opreme Endress Hauser“ – tender broj KZ 65/18

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 2 (dvije) ponude – „IBEJ“ d.o.o. Sarajevo i „Hidrosanitas BH“ d.o.o. Trebinje
- Da su blagovremeno zaprimljene: 2 (dvije) ponude – „IBEJ“ d.o.o. Sarajevo i „Hidrosanitas BH“ d.o.o. Trebinje
- Da nije bilo neblagovremeno zaprimljenih ponuda

Da dostavljene ponude ponuđača „IBEJ“ d.o.o. Sarajevo i „Hidrosanitas BH“ d.o.o. Trebinje ispunjavaju zahtjevane TD uslove prema obliku i potpunosti u smislu pripreme ponuda.

Pregledom ponuda ponuđača „IBEJ“ d.o.o. Sarajevo i „Hidrosanitas BH“ d.o.o. Trebinje, sa stanovišta postavljenih kvalifikacionih uslova, konstatovano je sljedeće :

- Ponuđač **„IBEJ“ d.o.o. Sarajevo** je u svrhu dokazivanja da ispunjava postavljeni tenderski uslov iz tačke 14.3 tenderske dokumentacije „Sposobnost obavljanja profesionalne sposobnosti“ dostavio ovjerenu kopiju „Rješenje o izmjenama podataka“, broj: 065-0-Reg-17-005441 sa datumom izdavanja 07.02.2017. godine. Obzirom da je datum izdavanja dostavljenog dokumenta 07.12.2017. godine a momenat predaje ponude 12.06.2018.godine, konstatovano je da je dostavljeno rješenje o izmjenama podataka starije od tri mjeseca od dana izdavanja a računajući od dana predaje ponude, a što nije u skladu sa postavljenim tenderskim uslovom koji se tiče starosti zahtijevanog dokumenta.

Ponuđač „IBEJ“ d.o.o. Sarajevo nije postupio u skladu sa postavljenim tenderskim uslovom iz tačke 14.3 tenderske dokumentacije, kojim je izričito zahtijevano da je ponuđač u svrhu dokazivanja sposobnosti obavljanja profesionalne djelatnosti dužan dostaviti : *„Original ili ovjerena fotokopija Aktuelnog izvoda iz sudskog registra ovjerena od strane nadležnog organa – Sud, Opština ili notar (ili Rješenja o registraciji) ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke“.*

Komisija je utvrdila da ponuđač „IBEJ“ d.o.o. Sarajevo nije dostavio zahtijevani dokaz sposobnosti obavljanja profesionalne djelatnosti u formi i na način kako je traženo tenderskom dokumentacijom.

-Ponuđač **„Hidrosanitas BH“ d.o.o. Trebinje** nije dostavio dokument zahtijevan tačkom 14.2 tenderske dokumentacije pod a) : *„Original certifikate (ili ovjerene kopije certifikata koje nisu starije od tri mjeseca od dana ovjere notar ili organ uprave) da je osoblje, osposobljeno za rad sa mjernom opremom Endress Hauser“.*

Takođe je konstatovano da dostavljena „Izjava o ispunjenosti uslova iz člana 50. ZJN“ nije popunjena u skladu sa zahtjevima iz tačke 14.2 tenderske dokumentacije. U pomenutoj izjavi nije zaokružena tačka c) i u okviru dijela „navesti precizne podatke vezane za zahtjeve iz tenderske dokumentacije“ nisu navedeni podaci čime ponuđač raspolaže u sklopu postavljenih uslova, te na ovaj način ponuđač nije postupio u skladu sa zahtjevima iz tačke 14.2 tenderske dokumentacije koji se odnose na način popunjavanja navedene izjave i to: *„Potrebno je da*

ponuđač prilikom popunjavanja Izjave, zaokruži tačku c) a u okviru dijela: "Navesti precizne podatke vezane za zahtjeve iz tenderske dokumentacije" potrebno je da ponuđač detaljnije i preciznije opiše ispunjenost postavljenih uslova – (navesti precizne podatke o tome čime raspolaže ponuđač u sklopu postavljenih uslova).

Obzirom na naprijed navedeno, komisija konstatuje da ponuđači „IBEJ“ d.o.o. Sarajevo i „Hidrosanitas BH“ d.o.o. Trebinje nisu dokazali ispunjenost postavljenih kvalifikacionih uslova u formi i na način kako je to zahtjevano tenderskom dokumentacijom odnosno nisu ispunili zahtjeve ugovornog organa tražene tenderskom dokumentacijom, te se ponude ovih ponuđača odbacuju kao neprihvatljive, a sve u skladu sa članom 68. stav (4) pod i) Zakona o javnim nabavkama.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:
-Ponuđačima
-a/a



v.d. Direktor



Azra Muzur, dipl.inž.grad.